

總標

——由假說我法，有種種相轉，彼依識所變。

世間，聖教說有我、法。
但由假立，非實有性。

我謂「主宰」，法謂「軌持」。

彼二俱有種種相轉

我種種相：（凡）有情、命者等

（聖）預流、一來等

法種種相：（外）實、德、業等

（內）蘊、處、界等

轉——謂隨緣施設有異。

問：如是諸相，若由假說，依何得成？

答：彼相皆依識所轉變。

識——謂了別此中識言亦攝心所，定相應故。

變——謂識體轉似二分相見、俱依自証起故

依斯二分，施設我法，彼二離此無所依故

或復**內識轉似外境**，我法分別熏習力故

諸識生時，變似我法，此我法相，

雖由內識，而由分別似外境現，

諸有情類，無始時來，

緣此執為實我、實法，

如患、夢者患、夢力故，

似種種外境相現，緣此執為實有外境。